

Kartzelan daude berriro Iruñean planto egin zuten 31 intsumiso

Hirugarren gradua kendu diete gauez kartzelara ez joateagatik

Igandean Iruñeko kartzelera joateri uko egin zioten 31 intsumiso indarrez atxilotu eta espetxeratu zituen atzo goizean Poliziak. Gazteek beren kabuz irten zuten Txantreako San Cristobal elizatik, baina tirabirak izan ziren polizien eta intsumisioen alde bildutako jendearen artean.

A. UNANUE / IRUÑEA

Igandean planto egin zuten intsumiso hauei hirugarren gradua (erregimen irekia) kendu diete eta aurrerantzean gau eta egun eman beharko dituzte espetxean. Gainera, baliteke zenbait intsumiso beste espetxe batera —Justizia Ministerioko iturriek Langraitz aipatu dute— eraman behar izatea, gradu aldaketak leku arazoak sortu baititu Iruñeko kartzelan. Izan ere, dagoeneko 83 intsumiso daude bertan, 50 hirugarren graduari eta gainontzekoak bigarren graduari.

Intsumisioen itxialdiak Txantreako San Cristobal elizan uste baino gutxiago iraun zuen, goizean Antonio Pascual Iruñeko poliziburua atxilotze aginduarekin bertaratu zen eta. Iruñeko bikarioa ere elizan agertu zen eta irteteko eskatu zien intsumisoei, nahikoa publizitate lortu zutelakoan.

Ados ez egon arren, bikarioaren eskaera onartzea erabaki zuten intsumisoei elizako apaizari buruhauste gehiago ez emateko. Horrela, beren kabuz atera eta eliz atarian eseri ziren. Poliziek banan-banan hartu eta arrastaka, indarrez, eraman zituzten furgoietara. Aipatzekoa da hirugarren graduari uko egin zioten bi intsumiso —Jose Arano eta Alfonso Lopez— ez zeudela une horretan elizan eta, ondorioz, ez zituztela atxilotu.

Atxilotetak hamaika t'erdia aldera gertatu ziren eta ordurako jende ugari bildu zen eliz inguruan intsumisoei elkartasuna adierazteko eta tentsio uneak izan ziren Poliziaren jarduna eragozten saiatu zirenean. Intsumisioen aldeko eta Poliziaren kontrako oihuen artean, polizi furgoiak inguratu zituzten. Batzuk lurrean eseri ziren eta, tartean adineko jendea bazegoen ere, Poliziak porren laguntzaz jipoitu eta indarrez altxarazi zituen.

Atxilotuak komisaldegira eraman zituzten lehendabizi, baina beraien nortasuna egiaztatu bezain laster espetxeratu zituzten. Iruñeko kartzelako zuzendariak Efe agentziari adierazi



Tentsio uneak izan ziren Poliziak intsumisioak eraman zituenen.

JOXE LACALLE

zinez, gazteei egin duten «falta larriagatik» dagokien zigorra ezarriko diete. Hots, bigarren gradura itzuliko direla.

Eguerdian NUPeko ehundaka ikasle bildu ziren auzitegi parean eta bat-bateko manifestaldia egin zuten Iruñeko kartzelaraino. Intsumisoei elkartasuna azaldu diete, halaber, Eguzki irratiak, Hautsik, Batzarrek, CGT sindikatuak eta Kakitzat eta Izar Beltza taldeek.

**«HB-K ERABILI
EGITEN DITU
INTSUMISOAK»**

«Herri Bata-sunaren inguruko erakundeek» helburu politikoetarako

✓ Baliteke zenbait intsumiso beste espetxe batera eraman behar izatea gradu aldaketak arazoak sortu baititu Iruñeko kartzelan.

intsumisoak «erabili» egiten dituztela salatu zuen atzo Antoni Asuncion Espainiako Barne ministroak. «Justizia desafiatzera» behartzen dituzte gazteok «ETAren inguruko taldeek», uste

du ministroak. «Intsumisioen mugimendutik kanpokoek, HBtik hurbil daudenak, beren helburuetarako erabiltzen dituzte».

Kartzelara gauez ez agertzea erabaki zuten intsumisioen protestak Espainiako Gobernuaren politikan ez dezakeela eragin esan zuen Asuncionez, eta «zigor haustea» besterik ez zela izan nabarmendu zuen. «Pertsona hauekiko pazientzia handia izan du Gobernuak», esan zuen ministroak, eta beraiek egin beharko dute gogoeta bergizarteratzeko zentroak direla eta nolako jarraera hartzen duten».

Sindikalista, frantziskotar eta irakasleak intsumisoeekin bat

G. AGIRRE / BILBO

Santiago Bengoa CCOOko idazkari nagusia, Patxi Zabalo EHUKo irakaslea, Durangoko Frantziskotar Komunitatea, Carlos Garcia teologoa eta Gazteen Eliz Mugimenduko ardura-duna autoinkulpatu dira Bizkaian hirugarren graduari uko egin dioten lau intsumisoei elkartasuna adierazteko.

Ander Goñi, Xabier Zabalza, Manuel Barredo eta Mariano Gomez intsumisoei astelehen gauez autoinkulpatuen etxeetan lo egin ostean, Bilboko Sarrikoko Ekonomik Zientzien Fakultatean jarraitzen zuten atzo itxita. Lehe-

nago atxilotzen ez badituzte, lau intsumisoei larunbatera arte Fakultatean itxita egoteko asmoa dute eta egun horretan, Basauriko espetxean beren buruak aurkeztuko lituzkete.

«Ez dugu Madrilgo Gobernuaren errepresio selektiborik onartuko», nabarmendu zuten intsumisoei, «denok delitu bera egin baitugu. Gutariko bat inon atxilotzen badute, denak joango gara espetxera, arazoa guztiona delako».

Hirugarren graduaren araudia hautsi duten intsumisoei inkulpatu direnek gutun bana bidali diote epaileari. Gutun horietan beren jardunbidearen berri ema-

ten dute eta erabaki hori zergatik hartu duten azaltzen diote.

Carlos Garcia teologoak azaldu zuenez, «intsumisioa gizartearen desmilitarizazioarako borroka bidea da. Intsumisoei ez diote elkartasunari muzin egiten, gizartearen transformazioan konprometituak daude. Beraien jardunbidea kristau tradizioarekin koherentea da».

Durangoko Frantziskotar Komunitateko ordezkarien hitzetan, «frantziskotarren tradizioaren arabera, bakearen aldeko borroka ekintza zehatzetatik egin behar da. Intsumisioa ez da ekinbide indibiduala, baizik eta kolektiboa».

Strasburgera eraman dute protesta antimilitaristek

STRASBURG

Strasburg-era (Frantzia). Europako Legebiltzarra. eraman zuten atzo beren protesta Euskal Herriko intsumisioen ordezkariak. Legebiltzarreko areto batean prentsaurrean azaldu zuten arazoa zertan den eta ondoren, eguerdian, katez lotu ziren Legebiltzarren kanpoaldean dauden banderen mastetan. CRS poliziak agertu ziren ondoren eta handik askarazi egin zituzten. Kalean panfletoak banatu zituzten bien bitartean intsumiso eta talde antimilitaristen ordezkariak.

40 antimilitarista agertu ziren Europako Legebiltzarra Strasburgen duen egiteko. Euskal Herriko mugatza bi aldeetako intsumisioen ordezkariak ziren KEM ez beste talde antimilitarista guztien izenean hitz egin zutenak. Tartean intsumisioak eta beraien abokatuak ere agertu ziren prentsaren aurrera.

Soldadutzari objektu egiteko eskubiderik ez duela legediak bermatzen salatu zuten. Halaber gogor errefusatu zuten intsumisioak inso lidarioak direlako kontatzen nahiz irudipen hori Europako oso zabaldua dagoena onartzen. Aitzitik, Ordezko Zerbitzu Sozialean lanean hasiz gero lanik gabe daudenei lanpostu la kentzea besterik ez lukeela egingo nabarmendu zuten.

Gasteiz zein Iruñeko lege biltzarrek intsumisioaren despenalizazioaren aldeko adierazpenak eginak dituzte la ekarri zuten gogora, eta Euskal Herriko gizartearen intsumisioaren aldeko jarraitza zabala dela. Historian zehar Espainia eta Frantziako antzematek gurean izan duten india txarra nabarmendu zuten horren arrazoitzeke, eta memoria historikoa aipatu zuten.

Egoera hori izanik errefusatu ez duela konprometiderik ekarriko nabarmendu zuten eta epaileak lan zikloa egiten ari direla, «intsumisioak erabaki politikoak behar dituelako». Juan Alberto Belloch Espainiako Justizia ministro izendatu zutenaren zigortutako intsumisioei zuzenean hirugarren graduari ezartzeko erabakia ahalbidetzen lehentzen saiatzeko ahalbidetza besterik ez zela izan behar dute antimilitaristek. Horrela, hirugarren ezartzearen ondorioz kartzelara lo egitera baino ez dute behar hori ez dute onartuko berretsi Strasburgen.